

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA POLJOPRIVREDU,
ŠUMARSTVO I VODOPRIVREDU



PROGRAM

*utroška sredstava od prikupljenih veterinarskih naknada za
mjere zdravstvene zaštite životinja i veterinarskog javnog zdravstva
na području Zeničko-dobojskog kantona u 2018. godini*

Zenica, april 2018. godine

Podaci o Programu

Program je usvojen: na 142. sjednici Vlade Zeničko-dobojskog kantona održanoj 25.04.2018. godine.

Period realizacije Programa: Realizacija Program utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2018. godini (u daljem tekstu: Program)

Ukupna vrijednost Programa: 250.000,00 KM

Namjena Programa: Zdravstvena zaštita životinja i unapređenje veterinarskog javnog zdravstva.

Korisnici Programa: Registrovani subjekti u poslovanju sa namirnicama životinjskog porijekla (u daljem tekstu: NŽP-a), vlasnici životinja - fizička i pravna lica, općine/Grad Zeničko-dobojskog kantona, dijagnostičke ustanove, veterinarske stanice, pravna lica ovlaštena za uklanjanje leševa životinja i životinjskog otpada (u daljem tekstu: Korisnici)

Izvor sredstava: Namjenska sredstva u Budžetu Zeničko-dobojskog kantona u 2018. godini, Ministarstvo za poljoprivredu, šumarstvo i vodoprivredu, "Subvencije-veterinarstvo"-namjenska sredstva, razdjel 23, budžetska organizacija 01, potrošačka jedinica 0001, ekonomski kod 614400, NAD 405, na osnovu Zakona o izvršavanju Budžeta Zeničko-dobojskog kantona za 2018. godinu ("Službene novine Zeničko-dobojskog kantona", broj: 1/18).

Odgovorna osoba: Himzo Smajić, ministar

I ZAKONSKI OSNOV ZA DONOŠENJE PROGRAMA

Zakonski osnov za donošenje Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2018. godini sadržan je u odredbama člana 124. Zakona o veterinarstvu ("Službene novine Federacije BiH" , broj: 46/00), člana 24. Pravilnika o visini naknade i načinu raspodjele sredstava za obavljene veterinarsko zdravstvene preglede i kontrolu na teritoriji Federacije Bosne i Hercegovine („Službene novine Federacije BiH“, broj: 51/11, 55/12 i 5/16), a u vezi sa članom 37. stav (1) i članom 46. stav (1) Zakona o izvršavanju Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), kojim je utvrđeno da će se navedena sredstava koristiti u skladu sa Programom utroška kojeg donosi Vlada Kantona.

Ministarstvo za poljoprivredu, šumarstvo i vodoprivredu (u daljem tekstu: Ministarstvo) je izradilo prijedlog Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2018. godini (u daljem tekstu: Program).

II IZVORI I VISINA SREDSTAVA IZ KOJIH SE FINANSIRA PROGRAM

Budžetom Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), „Subvencije-veterinarstvo“, u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „namjenska sredstva“, predviđena su sredstva u iznosu od 250.000,00 KM (slovima: dvijestotinepedesethiljada konvertibilnih maraka). Sredstva su prikupljena od naknada za veterinarsko-zdravstvene preglede i kontrole izvršene od strane kantonalne veterinarske inspekcije. U skladu Pravilnikom o visini naknade i načinu raspodjele sredstava za obavljene veterinarsko-zdravstvene preglede i kontrolu na teritoriji Federacije Bosne i Hercegovine i Zaključkom Vlade Zeničko-dobojskog kantona broj: 02-24-15565/16 od 08.09.2016. godine sredstva će biti utrošena za provođenje mjera zdravstvene zaštite životinja i veterinarskog javnog zdravstva na području Kantona.

III AKTIVNOSTI IZ PROGRAMA

Na osnovu epizootiološke situacije na području Zeničko-dobojskog kantona (u daljem tekstu: Kanton), kontinuiteta preventivnih mjera zdravstvene zaštite životinja, usklađenosti subjekata u poslovanju sa hranom sa legislativom EU, stanja u pogledu higijenske i zdravstvene ispravnosti NŽP-a koje se proizvode na području Kantona, te u skladu sa Programom mjera zdravstvene zaštite životinja i njihovog provođenja u 2018 godini („Službeni glasnik BiH“, broj: 15/18) Ureda za veterinarstvo Bosne i Hercegovine, za provođenje mjera zdravstvene zaštite životinja i unapređenje veterinarskog javnog zdravstva na području Kantona u 2018. godini, ovim Programom planira se provođenje slijedećih aktivnosti:

1. Sufinansiranje uzorkovanja i serološkog ispitivanja ovaca na Plavi jezik ovaca,
2. Sufinansiranje implementacije programa samokontrole,
3. Finansiranje troškova eutanazije i neškodljivog uklanjanja oboljelih životinja,
4. Dijagnostičke pretrage na Američku gnjiloću pčelinjeg legla,
5. Dijagnostička ispitivanja zaraznih bolesti životinja i higijenske ispravnosti službenih uzoraka NŽP-a po nalogu veterinarskog inspektora,
6. Materijalno opremanje Odsjeka za veterinarstvo Ministarstva za poljoprivredu, šumarstvo i vodoprivredu i Veterinarske inspekcije Kantonalne uprave za inspekcijske poslove Zeničko-dobojskog kantona.
7. Rezerva.

IV KRITERIJI ZA ODOBRAVANJE SREDSTAVA

Sredstva po ovom Programu moći će ostvariti Korisnici koji ispune opće i posebne kriterije, kako slijedi:

A. Opći kriteriji

- Korisnici moraju imati prebivalište, odnosno sjedište na području Kantona,
- Korisnici koji posluju sa NŽP moraju posjedovati Veterinarski kontrolni broj,
- Korisnici koji nemaju dugovanja prema Kantonu po osnovu javnih prihoda i svih ostalih obaveza prema Kantonu, u skladu sa Zaključkom Vlade Zeničko-dobojskog kantona, broj: 02-14-8705/17 od 01.06.2017. godine,
- Životinje koje budu obuhvaćene ovim Programom moraju biti upisane u jedinstveni registar domaćih životinja u skladu sa Pravilnikom o označavanju životinja i šemi kontrole kretanja životinja u BiH („Službeni glasnik BiH“ broj: 28/03) i Pravilnikom o obaveznom označavanju i upisu jedinstveni registar ovaca, koza i svinja, te vođenje evidencija („Službene novine FBiH“, broj: 87/07).

B. Posebni kriteriji po planiranim aktivnostima iz Programa

1. **Sufinansiranje uzorkovanja i serološkog ispitivanja ovaca na Plavi jezik ovaca** – u slučaju sumnje ili pojave zarazne bolesti Plavi jezik ovaca, Kanton će sufinansirati provođenje uzimanja i slanja na pretragu uzoraka krvi ili tkiva životinja koje pokazuju kliničke znakove bolesti ili životinja sumnjivih na oboljenje iznosom od 20,00 KM/ovci, sa ukupnim iznosom od 30.000,00 KM.
2. **Sufinansiranje implementacije programa samokontrole u 2018. godini** – svim registrovanim subjektima u poslovanju sa NŽP koji posjeduju Veterinarski kontrolni broj, sufinansira se implementacija programa samokontrola u iznosu do 1.000,00 KM. Planirani iznos sredstava je 80.000,00 KM.
3. **Finansiranje troškova eutanazije i neškodljivog uklanjanja oboljelih životinja** – U slučaju kada veterinarski inspektor naredi obavezne mjere eutanazije i neškodljivog uklanjanja životinja na području Kantona, u cilju sprječavanja, suzbijanja i iskorjenjivanja zaraznih bolesti životinja koju obavljaju Veterinarske stanice sa područja Zeničko-dobojskog kantona, Kanton će finansirati vlasnicima životinja nastale troškove eutanazije u iznosu od 100,00 KM/krava/konj, 20,00 KM/ovca/koza/svinja i 10,00 KM/košnica/pčelinja zajednica. Planirani iznos sredstava je 10.000,00 KM
4. **Dijagnostička pretraga na Američku gnjiloću pčelinjeg legla** – sufinansira se dijagnostička pretraga na Američku gnjiloću pčelinjeg legla u iznosu od 20,00/KM po uzorku. Planirani iznos sredstava je 10.000,00 KM.
5. **Dijagnostička ispitivanja zaraznih bolesti životinja i higijenske ispravnosti službenih uzoraka NŽP-a po nalogu veterinarskog inspektora** – u postupku provođenja službenih kontrola kod sumnje na zaraznu bolest životinja i zdravstvenu ispravnost NŽP, po nalogu veterinarskog inspektora Kantonalne uprave za inspekcijske poslove Zeničko-dobojskog kantona provodiće se potrebna dijagnostička ispitivanja u akreditovanim laboratorijama. Ukupan iznos sredstava je 10.000,00 KM.

6. **Materijalno opremanje Odsjeka za veterinarstvo Ministarstva za poljoprivredu, šumarstvo i vodoprivredu i Veterinarske inspekcije Kantonalne uprave za inspeksijske poslove Zeničko-dobojskog kantona** - za nabavku terenskih vozila neophodnih za obavljanje poslova i zadataka iz oblasti inspeksijskog nadzora i veterinarskog javnog zdravstva. Ukupan iznos sredstava je 60.000,00 KM.
7. **Rezerva** - Sredstva rezerve koristitiće se za hitne i nepredviđene zahtjeve. Zahtjevi koji budu podneseni, a nisu definisani Programom, Ministarstvo će razmotriti i eventualno predložiti Vladi donošenje zaključka o odobravanju sredstava, u slijedećim slučajevima:
 - a) pojave iznenadne i nepredviđene zarazne bolesti-zoonoze, u toku budžetske 2018. godine,
 - b) kada su potrebna dodatna sredstva jer postoji osnov za podršku,
 - c) kod nedostatka sredstava za neku od aktivnosti iz Programa.

Planiran i iznos sredstava je 50.000,00 KM.

V SVRHA PROGRAMA

1. Sufinansiranje uzorkovanja i serološkog ispitivanja ovaca na Plavi jezik ovaca

Provodi se u svrhu otkrivanja, sprečavanja suzbijanja bolesti Plavi jezik. Bolest ne ugrožava zdravlje ljudi, ali izaziva velike ekonomske štete i proizvodi negativan uticaj na stočarstvo. Pravni osnov je Zakon o veterinarstvu („Službene novine F BiH“, broj: 46/00), Pravilnik o mjerama za kontrolu i iskorjenjivanje bolesti Plavog jezika („Službeni glasnik BiH“, broj: 38/10) i Program mjera zdravstvene zaštite životinja i njihovog provođenja u 2018 godini („Službeni glasnik BiH“, broj: 15/18) Ureda za veterinarstvo Bosne i Hercegovine.

2. Sufinansiranje implementacije programa samokontrole u 2018. godini

Ima za cilj uspostavljanje i provođenje planova samokontrole kod subjekata u poslovanju sa hranom životinjskog porijekla i ostvarivanje visokog stepena higijenske i zdravstvene ispravnosti NŽP. Planovi samokontrola omogućavaju:

- procjenu opasnosti i rizike, identifikaciju i njihovo otklanjanje prije nastanka zdravstveno neispravnog proizvoda,
- povećavaju svijest o zdravstvenoj sigurnosti proizvoda i sprečavanju bolesti uzrokovane zdravstveno neispravnim proizvodima,
- svi uposleni uključeni su u sistem proizvodnje zdravstveno ispravnog proizvoda,
- dokumentovanje proizvodnog procesa i provedenih kontrola,
- povećava povjerenje u zdravstvenu ispravnost i kvalitet proizvoda,
- definiše individualnu odgovornost,
- osigurava se zdravstvena ispravnost proizvoda u svim fazama, počevši od proizvodnje, transporta, distribucije, pripreme i konzumiranja proizvoda,
- poslovanje prema važećoj BiH i EU legislativi,
- uspostavljanje propisanih kriterija sigurnosti hrane.
- poslovanje unutar i izvan EU.

Navedena aktivnost provodi se u skladu sa Zakonom o hrani („Službeni glasnik BiH“, broj: 50/04), Pravilnikom o veterinarsko-zdravstvenim uslovima za objekte koji proizvode hranu životinjskog porijekla („Službene novine FBiH“, broj: 22/13), Pravilnikom o higijeni hrane („Službeni glasnik BiH“ broj: 4/13), Pravilnikom o mikrobiološkim kriterijima za hranu („Službeni glasnik BiH“, broj: 11/13 i 79/16), Pravilnikom o organizaciji službenih

kontrola proizvoda životinjskog porijekla namijenjenih ishrani ljudi („Službeni glasnik BiH“ broj: 103/12), Pravilnikom o opštem deklarisanju ili označavanju upakovane hrane („Službeni glasnik BiH“ broj: 87/08), Pravilnik o maksimalno dozvoljenim količinama za određene kontaminante u hrani („Službeni glasnik BiH“ broj: 68/14).

3. Finansiranje troškova eutanazije i neškodljivog uklanjanja oboljelih životinja

Zootehnička i zoohigijenska mjera koja ima za cilj sprječavanje, kontrolu i suzbijanje zaraznih bolesti životinja, prvenstveno zoonoza, te zaštitu zdravlja ljudi, životinja i prirodnih resursa. Navedena mjera provodi se u skladu sa članom 46. Zakona o veterinarstvu i Pravilnikom o postupku isplate nadoknade štete za neškodljivo uklonjene seropozitivne životinje („Službene novine Federacije“, broj: 98/12).

4. Dijagnostička pretraga na Američku gnjiloću pčelinjeg legla

Dijagnostička preventivna mjera ima za cilj otkrivanje i suzbijanje zarazne bolesti Američka kuga pčelinjeg legla na području Kantona. Bolest nije opasna po zdravlje ljudi, ali proizvodi velike ekonomske štete i ima negativan uticaj na pčelarstvo. Pravni osnov za provođenje ove mjere je član 124. Zakona o veterinarstvu („Službene novine F BiH“, broj: 46/00) i Program mjera zdravstvene zaštite životinja i njihovog provođenja u 2018 godini („Službeni glasnik BiH“, broj: 15/18) Ureda za veterinarstvo Bosne i Hercegovine.

5. Dijagnostičke pretrage pojave zaraznih i parazitarnih bolesti životinja u postupku službenih kontrola veterinarskog inspektora

U slučajevima kada kantonalni veterinarski inspektor procjeni da su potrebna dodatna službena uzorkovanja i ispitivanja higijenske i zdravstvene ispravnosti NŽP, dijagnostičke pretrage radi utvrđivanja prisustva zarazne bolesti životinja prvenstveno kod utvrđenog oboljenja ljudi. Navedena mjera ima pravni osnov u Zakonu o veterinarstvu („Službene novine F BiH“, broj: 46/00), Pravilnikom o mjerama kontrole Bruceloze kod malih preživača („Službeni glasnik BiH“ broj: 43/09) i Pravilnikom o higijeni hrane („Službeni glasnik BiH“ broj: 4/13).

6. Materijalno opremanje Odsjeka za veterinarstvo Ministarstva za poljoprivredu, šumarstvo i vodoprivredu i Veterinarske inspekcije Kantonalne uprave za inspeksijske poslove Zeničko-dobojskog kantona.

Zbog obima poslova u sklopu veterinarskog javnog zdravstva i obaveze provođenja upravnog nadzora nad provođenjem mjera zdravstvene zaštite životinja i veterinarskog javnog zdravstva, postupaka registracije i odobravanja objekata u poslovanju sa hranom, obilaska farmi, objekata za proizvodnju stočne hrane i veterinarskih organizacija, te kontrola provođenja mjera iz Programa Ministarstva i provođenja stalnog veterinarskog inspeksijskog nadzora, potrebno je materijalno opremanje Odsjeka za veterinarstvo Ministarstva za poljoprivredu, šumarstvo i vodoprivredu i Veterinarske inspekcije Kantonalne uprave za inspeksijske poslove Zeničko-dobojskog kantona.

7. Rezerva

V VISINA I RASPODJELA SREDSTAVA PO AKTIVNOSTIMA

Budžetom Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), „Subvencije-veterinarstvo“, u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 405,

pozicija „namjenska sredstva“, predviđena su sredstva u iznosu od 250.000,00 KM (slovima: dvijestotinepedesethiljada konvertibilnih maraka).

Sredstva odobrena Budžetom Kantona za 2018. godinu iznose 250.000,00 KM i raspodijelit će se u skladu sa ovim Programom na slijedeće aktivnosti, prema tabelarnom prikazu:

R/B	Aktivnost	Iznos po KM/jedinici	Iznos u KM
1.	Sufinansiranje uzorkovanja i serološkog ispitivanja ovaca na bolest Plavi jezik ovaca	20,00 KM/ovca	30.000,00
2.	Sufinansiranje implementacije programa samokontrole u 2018. godini	do 1.000,00 KM/subjekt	80.000,00
3.	Finansiranje troškova eutanazije i neškodljivog uklanjanja oboljelih životinja	100,00 KM/ govedo 20,00 KM/ovca/koza/svinja 10,00 KM/ pčelinje društvo	10.000,00
4.	Dijagnostička pretrage na Američku gnjiloću pčelinjeg legla	20,00 KM/uzorak	10.000,00
5.	Dijagnostička ispitivanja zaraznih bolesti životinja i higijenske ispravnosti službenih uzoraka NŽP-a po nalogu veterinarskog inspektora	po fiskalnom računu	10.000,00
6.	Materijalno opremanje Odsjeka za veterinarstvo Ministarstva za poljoprivredu, šumarstvo i vodoprivredu i Veterinarske inspekcije Kantonalne uprave za inspekcijske poslove Zeničko-dobojskog kantona	-	60.000,00
7.	Rezerva	-	50.000,00
	UKUPNO :		250.000,00

Zbog mogućih nepredvidivih situacija u pogledu stanja i kretanja zaraznih bolesti životinja, moguća su preusmjerenja već planirana sredstva u druge neophodne aktivnosti.

Na prijedlog Ministarstva za poljoprivredu, šumarstvo i vodoprivredu Zeničko-dobojskog kantona, Vlada Kantona će za svaku planiranu aktivnost ili u slučaju utroška sredstava iz rezerve ovog Programa, posebnim zaključcima ili odlukama odobravati sredstva iz Budžeta

Broj: 02- 14-9199/18.

Datum, 25.04.2018. godine

Z e n i c a



PREMIJER

Miralem Galijašević

DOSTAVLJENO:

- 1 x Ministarstvu za poljoprivredu, šumarstvo i vodoprivredu,
- 1 x Ministarstvu finansija,
- 1 x a/a.